

## فيديو # ٢٧٣ من مقاطع حظر التجول تدبر سورة سباء # ٦ الآيات

٣٣-٧٢

فاضل سليمان

السلام عليكم ورحمة الله وبركاته. اهلا بحضراتكم في المقطع رقم تلتيمية في اتنين وسبعين من مقاطع حظر التجول رقم ستة من حلقات سورة سباء ارجو حضراتكم تجبيوا المصاحف وتفتح معى الآية سبعة وعشرين - 00:00:00  
الصورة شوية افتح معى الآية سبعة وعشرين اعوذ بالله السميع العليم من الشيطان الرجيم قل اروني الذين الحقتم به شركاء كلا بل هو الله العزيز الحكيم ده تكملة للجدال مع المشركين عن شركهم اللي احنا كنا بنتكلم فيه امبارح - 00:00:33  
احنا كان المفروض اصلا ناخد الایادي امبارح. بصراحة يعني واجبنا ما كانش لازم نقف قبلها عشان نسترجع السياق كده ارجع معى الآية اتنين وعشرين نقرأ الآيات بسرعة من الآية اتنين وعشرين وبسرعة بسرعة هنقول معناها من غير ما ندخل في التفاصيل زي ما عملنا امبارح - 00:01:04

قل ادعوا الذين زعمتم من دون الله لا يملكون مثقال ذرة في السماوات ولا في الأرض وما لهم فيهما من شرك وما له منهم من ظهير يعني قل لهم يا محمد - 00:01:23  
اندهوا اللي انت ادعىوا منهم الهة مع الله دول وهم لا يملكون في الكون كل ذرة واحدة ولا لهم حصة شراكة في اي حاجة. ولا حد منهم بيساعد ربنا في شيء - 00:01:38

ثلاثة وعشرين معى. يا جماعة اللي اما اقول اقرا لازم عينك تكون على الآية في مصحف او في تطبيق انت فاتحه على الجوال اقرا ثلاثة وعشرين. ولا تنفع الشفاعة عنده الا لمن اذن له. حتى اذا فزع عن قلوبهم قالوا - 00:01:53  
ماذا قال ربكم؟ قالوا الحق وهو العلي الكبير يعني هم لا يملكون ذرة ولا لهم شراكة. حصة شراكة في اي حاجة. ولا منهم حد مساعد لربنا ولا تنفع شفاعة حد منهم كمان - 00:02:12

الا لمن اذن لها لان في ناس عبتد زي مسلا سيدنا المسيح. نقله شفاعة ولكن مش هيشفع في المشركين وبعدين بنتكلم بقى هنا عن قضاء ربنا وقلنا الحديث الشريف امبارح اللي شرح الآية دية - 00:02:30

انه لما ربنا بيقضى بالحق حتى الملائكة بتتفزع خوفا من ان قضاء ربنا يكون قضى ببداية احداث يوم القيمة حتى اذا فزع عن قلوبهم وبعدين يفوقوا من الخضة. الملائكة قالوا ماذا قال ربكم - 00:02:44  
الملائكة الكبار يقولوا لهم قالوا الحق وهو العلي الكبير. يوم القيمة اللي هم بينكروه بسبب جهلهم وكفرهم المشركين. الملائكة مش بس بس مؤمنين به دول مرعوبين منه الملائكة اللي مش هتتحاسب مرعوبة منه. امال اللي هيتحاسب المفروض لو عنده علم يبقى حاسس ناحية يوم القيمة بایه - 00:03:06

مرعوبين منه بسبب علمهم وايمانهم بخطورة هذا اليوم. اقرا معى اربعة وعشرين قل من يرزقكم من السماوات والارض قل الله وانا او اياكم لعلى هدى او في ضلال مبين. اتكلمنا امبارح عن اداب - 00:03:27  
الحوار وروعه هذه الآيات الثلاثة اللي جاية دي عن اداب الحوار مع المخالف في الاسلام. قل لهم يا محمد مين بيرزقكم من السماوات والارض وما تستناش طب قل الله وابدا افتح قلوبهم وعقولهم. واستدعي الموضوعية عندهم. قل لهم يا احنا صح يا انت صح. يا احنا غلط يا انت غلط. ان شاء الله تكون بتكلم - 00:03:44

ناس بيعبدوا البقر احنا عارفين كويس مين غلط ومين صح لكن لازم تكلمهم كده عشان تفتح قلوبهم وتقول لهم يا احنا صح يا انتم الصح يا احنا غلط يا انتم غلط علشان تقول لهم ان احنا - 00:04:05

من الممكن اننا نعيid نزر تاني في منهجنا لو اكتشفنا انه غلط. فهل انتم عندكم الشجاعة تعيدوا نزر في منهجكم؟ عندكم والشجاعة تتوقف في الطريق وترجعوا لاول الطريق وتبدوا في الطريق الصحيح لو اكتشفتم ان انتم قطر اقرا خمسة وعشرين معي قل لا تسألون عما اجرمنا - 00:04:15

ولانسأل عما تعملون. قل لهم كل واحد هيسأل عن نفسه. لا انتم هتسألوا عن اي مصيبة او جريمة احنا عملناها ولا احنا هنسأل عن اللي بتعملوه عشان ما تستفزهمش. وتستدعي العناد عندهم. احنا عايزين ايه؟ نفتح القلب ونفتح العقل. ونخليهم - 00:04:35

موضوعين مش يستدعي العناد اكتر ما هم اصلاً معاندين اقرا ستة وعشرين قل يجمع بيننا ربنا ثم يفتح بيننا بالحق وهو الفتاح العليم. قل لهم ربنا هيجمعنا كلنا يفصل بینا يوم القيمة ويوضح لنا مين اللي كان صح ومين اللي كان غلط. مش هيوضح لنا ان احنا كنا صح وانتم كنتم غلط. لا ما تعملش كده عشان انت لسه في مرحلة فتح - 00:04:54

قلوب خلاص هنبدأ بقى تدبر الليلة من الاية سبعة وعشرين الآيات دي احنا كنا تدبرناها امبارح انا معي سبعة وعشرين قل اوونى الذين الحقتم به شركاء كلا بل هو الله العزيز الحكيم - 00:05:18

قل لهم فين اللي الحقتوهم ربنا كشركاء دول؟ وروني هم فين ما زلنا بنتكلم بادب ولكن بنطلب منهم طلبات دلوقتي بقى تعجزهم وروني هم فين دول اللي خلتوهم شركاء لربنا؟ الطبيعي ان السؤال ده كان بيجي في الاول - 00:05:37

يعني الاول تسأل تقول ايه؟ هم فين دول اللي انت آآبتقولوا عليهم شركاء لربنا؟ ده ما حدش منهم يملك حاجة ولا حد منهم شريك في حاجة ولا حد منهم ظهير لربنا ولا - 00:05:54

ربنا ولا هيشفعوا في حد. لكن انت اسأل السؤال ده في الآخر بعد ما تذكر كل عجزهم وعجز الآالية بتعاتهم دي. وبعدين تقول لهم وروني بقى مين هم دول ده اسمه تعجيز انت بتتأخر التعجيز للآخر. ما حدش هيقدر يقدم لك حد ينفع يكون شريك لله. متأخر - 00:06:04

السؤال التعجيزى ده للآخر لايده؟ الجدال كمل بقى الآية سبعة وعشرين كلا بل هو الله العزيز الحكيم يلا ما فيش طبعا له شركاء ان هو الله العزيز يعني القوى المستغنى عن الغير. الحكيم يعني اللي عنده العلم ويعلم ما مستؤول اليه الامور. في حالة حدوث اي - 00:06:27

وهو ده الحكمة. الحكمة مش مجرد علم. الحكمة هو علم وعلم مآلات الامور وحسن التصرف اقرا تمانية وعشرين وما ارسلناك الا كافية بشيرا ونذيرا. ولكن اكتر الناس لا يعلمون لقيت بقى - 00:06:51

واضح منها ان ربنا بيخاطب النبي بس. لكن الحقيقة هو بيخاطب النبي وبطريقة غير مباشرة بيخاطب كل المسلمين عبر العصور وبطريقة غرم غير مباشرة بيخاطب البشرية كلها عبر العصور برسالة هي اهم رسالة في حياة كل انسان - 00:07:20

الرسالة مسلا لكافر قريش انت بتنكروا نبوته طب ايه رأيكم بقى انه مش مرسل لكم؟ دا مرسل للبشرية كافية. مرسل للعرب والعجم والفرس والروم والهند والصين بسنبي ارسلناه لكم لا لا لا - 00:07:41

يعني اعترافكم بكنبي او عدم اعترافكم زي قلته ده رسول غصب عنكم. عاجبكم او مش عاجبكم هو الرسول وما ارسلناك يا محمد الا كافية للناس بشيرا ونذيرا انت يا محمدنبي ورسول مش لاهل مكة اللي السورة بتنزل عليك وسطهم دلوقتي. وخليل بالك السورة بتنزل على النبي عليه الصلاة والسلام والصحابة في وقت ايه بقى - 00:08:00

لسة خارجين من حصار ثلاث سنين في حالة من الضعف الجسماني الشديد اكلوا الحشائش بتاعة الارض لغاية ما المخلفات بتعاتهم بقت شبه مخلفات الابل والغنم تخيل حالتهم النفسية دلوقتي لما ربنا يبلغهم - 00:08:27

بيقول للنبي حالته النفسية بدل ما ربنا يقوله انت بقى مش زي داود وسليمان اللي اتكلمنا عنهم في الصورة دي لا لا ولا حتى المسيح اللي السيد المسيح قالوا ورسولا الىبني اسرائيل - 00:08:46

ولله انت رسول لكل العالمين مش لقوم معينين فكل واحد من دول كان مرسل لقومه فقط. معظم الانبياء كانوا مرسلين لاقوامهم فقط قلة قليلة اللي كانوا مرسلين للعالمين في الوقت ده. والنبي محمد صلى الله عليه وسلم مرسل للعالمين - 00:08:56

فرصة ان الناس كافة بشيرا ونذيرا. يعني ايه ؟ بشيرا يبشر المؤمنين الذين يعملون الصالحات بالجنة وبالراحة الابدية اللي كل انسان يبحث عنها ونذيرا ينذر الكافرين والعصاة والظالمين بالنار وبالعذاب اللي يستحقوه - 00:09:16

طيب سؤال هو النبي صلى الله عليه وسلم رسالته قبل ما يموت وصلت لكل الناس اللي في العالم مش هو رسول العالم كله ؟ اه يبقى في دور بقى على مين - 00:09:40

علينا احنا بقى على المسلمين يوصلوا رسالة النبي صلى الله عليه وسلم لكل الناس ادع الى سبيل ربك بالحكمة والمعروفة. ده واجب على كل مسلم انه يدعو الناس الى الخير والاسلام ما فيش خير منه - 00:09:54

وعلى فكرة بنقول لهم ان محمد اللي بتعملوا له كاريكاتير آآ كاريكاتير ده في فرنسا ده مش بروفة محمد بتاعنا. ده بروفة محمد بتاعكم انتكم كمان بنبلغهم بالاية دية وكفاية. بشيرا ونذيرا - 00:10:14

ولكن اكتر الناس لا يعلمون. احنا كمسلمين علينا ان احنا نعلهم. بص يا عم آآ جورج بصي يا اختاه انجيلا الاية اهي قدامكم ده نبيكم انتكم كمان كل الديتة اللي انتم محتاجينها اهي افضلوا كتب ترجمات قرآن اهي - 00:10:36

مش بتحب تقرأ افضل خد افلام خد فيديوهات اهي. هنحط الديتا بين ايديهم ونتركهم هم واجب عليهم ساعتها انهم يبحسوا السلام عليكم. وزي المسل ما قال اللي عقله في راسه يعرف خلاصه - 00:10:56

خلاص ما فيش احنا مش هنجرح حد. ربنا قال لا اكره في الدين اقرا معي بقى تسعه وعشرين وتلاتين ويقولون متى هذا الوعد ان كنتم صادقين لكم ميعاد يوم لا تستاخرون عنه ساعة ولا تستقدمون - 00:11:11

بعد ما النبي اخبرهم ان هو رسول الله اليهم بشيرا ونذيرا. قالوا ايه متى هذا الوعد هذا الوعد وعدى وبعدين حد جاب سيرة وعد؟ سؤال بقى لكم انتم يا متذربين - 00:11:29

هو ايه الوعد؟ وفين السياق اللي جت سيرة الوعد فيه؟ خدوا تلاتين سانية وفكروا فين الوعد ده؟ ايه الوعد ده واكتبوا لي في التعليقات طبعا بتو ما عندهمش تعليقات الجماعة بتوع الانستجرام وفيسبوك واليوتيوب يكتبوا - 00:11:47

طبعا الوعد هو وعد بالقيامة بعد الموت والحساب طيب فين بقى السياق بتاعه؟ يعني هم بيتكلموا عنه ليه؟ النبي كان بيقول لهم انا رسول كافة للناس بشيرا ونذيرا خد تلاتين سانية وقل لي اقرب ذكر لهذا الوعد فين - 00:12:03

فين اقرب اية ربنا ذكر فيها هذا الوعد الاية اللي قبلها الاية تمانية وعشرين ما هو النبي قال ما هو ربنا بيقول له انت مرسل كافة للناس. تعمل ايه ؟ بشيرا ونذيرا. يبشر بايه وينذر بايه ؟ يبشر بان من سينجح في - 00:12:24

الدنيا بعد البعث والحساب هيدخلوا الجنة وينال الراحة الابدية اللي كان عايزها. اللي هيسقط في الامتحان بعد البعثة والحساب يدخل النار ويعاقب على جرائمه. ده الانذار ودي البشارة لما هو قال لهم انانبي لكل الناس بشيرا ونذيرا قالوا له طب فين يوم القيمة ده - 00:12:46

فين يوم القيمة ده؟ ايه اللي هيحصل فيه كده ويقولون متى هذا الوعد ان كنتم صادقين؟ اقرا معي الاية تلاتين. قل خلي بالك كل حاجة ان هو قل ربنا بيعلن النبي الاجابات. النبي ما كنش بيألف - 00:13:11

قل لكم ميعاد يوم لا تستاخرون عنه ساعة ولا تستقدمون يعني ايه متى هذا الوعد؟ انتم عايزين تاريخ يومكم؟ شهر ايه سنةكم؟ لأ ما فيش تاريخ. لكن في موعد لا هتقدرؤا تاخروه - 00:13:25

ولا هتقدرؤا تقدموه شوية ساعة مش يعني ستين دقيقة. ساعة ساعة يعني شوية وقت صغيرين كده شوي ساعة حاجة بسيطة وبعدين بقى يعني ايه تستاخروا ليه ما قالش لا تؤخرؤن - 00:13:44

ولا تقدمون لي هل تستاخروا تستقدمون الالف والسبعين والتاء زائد الفعل في اللغة العربية يعني طلب الفعل استخرج طلب الالخاراج. استغفر طلب المغفرة. استأخـر طلب التأخـر او طلب التأخـير. استقدم طلب التأخـير - 00:14:01

خلاص؟ كلكم اقرا معي تلاتهين. كلكم ميعاد يوم لا تستأخرن عنه ساعة ولا تستخدمون. لكم يوم جاي موعده ده جاي جاي لما يأسف له تقدروا طلبوا تقديمها ولا تطلبوا تأخيره. هو اصلا ما حدش بيطلب تقديمها - 00:14:22

لكن معناها ما حدش هيقدر يعمل حاجة في الموعد ده زي ما حد يقول لك ايه طب بس حضرتك آآ ممكن نآخر اللي اخر وانا اقدم. هو ما طلش يتقدم لكن لا اخر ولا قدم يعني ما فيش تحريك للموعد - 00:14:43

ما فيش تحريك للموعد. هو طبعا ما فيش حد يطلب تقديم يوم القيمة اقرأ معி واحد وتلاتهين وقال الذين كفروا لن نؤمن بهذا القرآن ولا بالذى بين يديه ولو ترى اذ الظالمون موقوفون عند ربهم يرجع بعضهم الى بعض بعض القول - 00:14:57

يقول الذين استضعفوا للذين استكروا لولا انتم لكننا مؤمنين. الكفار بيوصلوا بالهداية لدرجة انهم يقولوا لا هنؤمن بالقرآن ده ولا بالانجيل ولا بالتوراة ولا بالي كتاب هو كده. وقال الذين كفروا لن نؤمن بهذا القرآن ولا بالذى بين يديه. بين يديه يعني اللي قبله - 00:15:20

النبي بيقول عليه الصلاة والسلام بعثت بين يدي الساعة يعني قبل الساعة ولا هنؤمن بالقرآن ده ولا باللي قبله في سورة لقمان تدبرنا ايه ما فيش من شهر واذا قبل لهم اتبعوا ما انزل الله قالوا بل تتبع ما وجدنا عليه اباعنا. شف المجرمين. يعني حتى - 00:15:47 يقولوا مسلا ايه بل تتبع القرآن اذا فعلا اتضح انه انزله الله. لأ اذا قيل لهم اتبعوا ما انزل الله مش يقولوا اوكى بس لما يثبت انه من عند ربنا لأ - 00:16:09

هنتبع اللي وجدنا عليه ابائنا حتى لو كان ده من عند الله يعني هيتبعوا اللي اتعودوا عليه هيتبعوا تراث اجدادهم. سقافة المجتمع. سلو بلدنا. ده لو خالف الدين لأ مش هنتبع الدين - 00:16:26

عشان بس لو كان الناس فاهمة ان ده كلام يعني خاص بالمشركين بس لا ده الكلام ده كتير جدا من اللي احنا واقعين فيه نفس الكلام نفسه له سبب. واحد وتلاتهين معி وقال الذين كفروا لن نؤمن بهذا القرآن ولا بالذى بين يديه - 00:16:49 هو كده مش مهم بقى من عند ربنا ولا لأ ده معناها عناد عناد بضم المعاندين دول هيبقو زي الفيران دلوقتي ازاى؟ كمل الاية ولو ترى اذ الظالمون موقوفون عند ربهم - 00:17:10

يرجع بعضهم الى بعض يقول الذين استضعفوا للذين استكروا لولا انتم لكننا مؤمنين الله! امال فين المرجلة اللي كانت من شوية؟ اللي هو مش هنؤمن لا بالقرآن ولا بالانجيل ولا بالتوراة. فين الرجولة دي - 00:17:27 فين الشجاعة الفظيعة بتاعتكم دلوقتي واقفين زي الفيران. وايه بقى؟ عمالين يرموا يرموا على بعض اللوم كلمة موقوفون مش واقفون موقوف يعني محبوس يعني معتقل حتى يقول لك تم توقيف فلان يعني حبسه - 00:17:45

ده معناه انهم واقفين من مدة طويلة ولو ترى اذ الظالمون موقوفون ملطوعين بقى لهم مدة طويلة ولو ترى اذ الظالمون موقوفون عند ربهم واقفين منتظرین الحساب بس حاسين انهم رايحين في داهية. لأن اللي كانوا بيذنبوا بحدوثه في الدنيا حصل فعلا - 00:18:04

ما هم كانوا بيذنبوا القيام والبعث اهم قاموا وبعثوا وواقفين من مدة ومستنيين الحساب. فيبقي هيروحوا فين؟ اكيد مش رايحين يتفسحوا اكيد رايحين في داهية فهيبدوا يلوموا بعض ويتخانقوا ويردوا على بعض - 00:18:30

اسمع بقى ولو ترى اذ الظالمون موقوفون عند ربهم يرجع بعضهم الى بعض القول. يعني بيردوا على بعض كمل معி واحد وتلاتهين يقول الذين استضعفوا للذين استكروا لولا انتم لكننا مؤمنين - 00:18:45

اللي استضعفوا هيقولوا اللي استكروا لولاكم كان زماننا مؤمنين دلوقتي. ووضعنا احسن من كده يا سلام ايه بقى حكاية استضعفوا واستكروا؟ ليه ما قالش الضعفاء والكراه مسلا لان لا الضعفاء دول ضعفاء اوكي كده في الحقيقة - 00:19:07

ولا الكراه كراه فعلا احنا قلنا الف سين تاء مع الفعل يعني طلب الفعل المستضعفين يعني ناس عاديين زينا كده. لكن في ناس تانيين ارادوا انهم يبقو ضعفاء. فعاملوهم على - 00:19:29

كانهم ضعفاء. واستغلوهم بقى سمحوا لنفسهم يستغلوا. وسمحوا لنفسهم يتعاملوا كضعفاء. بقى اسمهم مستضعفين لأنهم لا نفسهم

مستريحين اكتر لما بقوا اتباع. فيه ناس بتحب تبقى اتباع ييفوا ديون عارفين ان القادة بتوعهم بيذربوا عليهم بس الكذب مريح -

00:19:46

فيبيصدقوا الكذب وهم عارفين انه كذب انه بيريحه بيذربوا اليهم بالفتات. ويأكلوا هم التورته كلها بيذربوا الفتات لانهم عارفين انه فتات لكن هم عندهم عقلية التابع عقلية العبد هم استضعفوا وقبلوا الاستضعفاف. لكن هم في الحقيقة كان ممكن يكونوا اقوىاء -

00:20:10

اسمع يقول الذين استضعفوا للذين استكبروا. الذين استكبروا دول ما هماش كبار ولا حاجة. دول ناس عاديين جدا زينا كده كلنا بل منهم ناس تافهين جدا اصلا ولكن لولا وجود المستضعفين اللي قبلوا الاستضعفاف ما كانش دول بقوا كبار -

00:20:34

المستضعفين ضعاف فعلا ولا المستكبرين كبار فعلا انتم شايفين الكتاب ده اللي احنا بنقرأ فيه فاهم حقيقة الانسان لاي درجة يا جماعة داخل في عمق الانسان وبيكشفه قدام نفسه احنا بنتعربى ما احنا بنقرأ يا جماعة -

00:20:53

مش معقول! الغريب ان اللي كاتبه مش انسان ولا عالم في علوم الانسانيات وعلوم النفس البشرية لأ. ده تنزيل من رب العالمين. ده الكتاب ده نازل على عالم من خارج العالم علشان يتكلم في عمق نفسية المخلوق اللي اسمه الانسان -

00:21:13

ونواياه وتفكيره ومشاعره والوساوس اللي بتدور في عقول البشر ما يدل على الهمة المصدر بتاع القرآن هو العمق اللي بيوصل له مش ممكن ده يكون كلام بشر علشان كده خسارة انه يقرأ بسرعة بدون تدبر وتفهم انا ممكن واحد جدا دلوقتي يقول لك ايه يا عم

انت بقى لك نص ساعة بتقرأ في ايتين ثلاثة -

00:21:36

ده احنا كان زماننا قرينا ربع وخدنا سواب قد كده ويمسك ويضرب العشرة الحرف في عشر حسنات. انت اصلا عارف الحسنة بتجييب لك ايه يعني الدولار انت عارف بيجييب لك كم. لكن الحسنة بتجييب لك ايه؟ بتجييب لك كم؟ انت مش عارف. طب ولما انت مش

00:22:03

حسنات تجييك اخر الشهر انت مين قال لك ان القراءة بدون تدبر هي اللي عليها حسنات؟ مين قال لك وربنا قال لك تقرأه بتدبر فانا متأكد ان قراءة تدبر عليها حسنات -

00:22:24

مانيش متأكد من اي حاجة تانية قد يكون بقى القراءة بدون تدبر عليها حسنات ان شاء الله الله اعلم. وقال لا انا ما اقدرش ما اقدرش اجزم بذلك. ربنا قرأننا نقرأ بتدبر وتفكر عشان -

00:22:37

نقدر نكشف حقيقة نفسنا بالشكل ده اقرا معي اتنين وتلاتين خلونا نكمel المشهد. اقرا اتنين وتلاتين ردوا عليهم بقى. قال الذين استكبروا للذين استضعفوا انحن صدناكم عن الهدى بعد اذ جاءكم بل كنتم

00:22:50

مجرمين اللي استكبروا اترعبوا من التهمة اللي اترميتم عليهم هم مش ناقصين بقى زنوب على زنوبهم غيرهم كمان فدافعوا عن نفسهم وقالوا المستضعفين. انحن صدناكم عن الهدى. بعد اذ جاءكم بل كنتم مجرمين. بالبلدي -

00:23:09

نعم يا اخوي انت وهو! بقى احنا اللي صدناكم عن الهدى لما جا لكم خل بالك دلوقتي بقى اسمه الهدى القرآن والوحى بقى اسمه الهدى دلوقتي بنفس الاية دي قالوا ايه؟ مش هنؤمن باي كتاب خالص لا الكتاب ده لن نؤمن بهذا القرآن ولا بالذى بين يديه -

00:23:27

دلوقتي بقى بيحترموه اوبي دلوقتي بقى الهدى ها كمل فيران بقول لك زي الفران. ما فيش واحد من دول هيطلع راجل يوم القيمة يقول ايوة انا اللي عملت كده. يا رب ما تتعاقبهمش -

00:23:48

يعاقبني بده ما فيش واحد هيطلع كده كلهم هيذربوا جبناء كمل المشهد معي بقى احنا صدناكم عن الهدى بعد ما جالكم ولا انتم اللي كنتم مجرمين. راحوا شايطين القنبلة قبل ما تنفجر فيهم في حجر التانيين -

00:24:01

خلي بالك ان هي قنبلة عملية يلقفوها بعض يرموها لبعض. انتم سبب لان انتم السبب فالمستضعفين بقى يقولوا ايه؟ لولاكم لكانا مؤمنين. اللي مستكبرين يقولوا لهم لا ده انتم اللي كنتم مجرمين. اقرأ تلاتة وتلاتين -

00:24:20

وقال الذين استضعفوا للذين استكبروا المكر الليل والنهار اذ تأمرتوننا ان نكفر بالله ونجعل له اندادا واصروا الندامة لما رأوا العذاب

وجعلنا الاغلال في اعناق الذين كفروا. هل يجزون الا ما كانوا يعملون - 00:24:36

يعني المستضعفين لما لقوا المستكبرين بيتناصلوا من مسؤوليتهم كده مكر الليل والنهار اذ تأمرؤنا هو انت سبتم فرصة ما امرتناش فيها اننا نكفر بالله ليل او نهار ده انت مكرتم وخططتم واستعملتم كل الطرق عشان تضللونا. براماج تليفزيون وعملتم افلام دراما وعملتم افلام تسجيلية - 00:24:58

عملته كتب كتب تدعو للكفر والالحاد وعملته. حتى الاطفال ما سلموش منكم. افضلوا اهو ادي كتاب اسمه اللي فيكم شايف شاشة شايف اهو كتب اطفال بشرح الالحاد قد ايه جميل - 00:25:29

وافتضوا ما هي الانسانوية؟ الانسانوية ده الدين الجديد. اللي هو الدين الالحاد. ما هو الالحاد مفهوم عدمه. ما فيش الله. مفهوم عدمي ما بيمسكس مع ناس كتير. لكن ده دين فيه الله اسمه الانسان - 00:25:49

واول صفحة للاطفال. اول صفحة افضل ادي ادي مين يا ولاد؟ اهو. الواد اللي اسمه راد كليف. اللي هو كان بيمسلي ايه؟ هاري بوتر شغل قالوا بل مكر الليل والنهار اذ تأمرؤنا - 00:26:08

وانتم سبتم فرصة الليل والنهار اذ تأمرؤنا ان نكفر بالله ونجعل له اندادا اليوما نازل بدل ربنا واسروا الندامة لما رأوا العذاب. وجعلنا الاغلال في اعناق الذين كفروا. هم عمالين يرموا الاتهامات على بعض ومرة - 00:26:26

واحدة زهرت النتيجة. كلهم سقطوا. مستكبرين ومستضعفين. ظهر العذاب اتحطت الكلبات في الايدين. السلالسل في الاعناق خلاص واصروا الندامة لما رأوا العذاب وجعلنا الاغلال في اعناق الذين كفروا. اللي كفروا كلهم بقى مستضعفين المستكبرين - 00:26:51  
شعروا بالندم في قلوبهم لكن لم يظهروه ويتكلموا به. صراحة ما قالوش صراحة انهم ندمانين ده اول ما رأوا العذاب كتموه جواه لكن بعد كده اظهروا الندامة وتكلموا به. لان الاية دي فيها هنا مشكلة بتقول انهم اصروا الندامة يعني اصروه جواه ما اتكلمواش فيه - 00:27:13

في ايات تانية في سورة الانعام ورد انهم قالوا يا ليتنا نرد ولا نكذب بآيات ربنا. ده اظهار الندم سورة الشعرا فلو ان لنا كرة فنككون من المؤمنين. طب بس لو فيه فرصة تانية هنبقى مؤمنين. فهم ندمو واظهروا الندامة - 00:27:37

وقالوا كلام يدل على ندم. لكن مش اول ما رأوا العذاب الاية دي انا اعلم ان في تفسيرات اخرى وان اصروا من كلمات القصاص يعني تدل على عكس معناها احيانا وفي آآ الشعر للعرب من الاصرار يأتي احيانا بمعنى الاظهار - 00:27:59  
لكن برضو هناك من قال ان دى حزلقات لغوية وقفها زيادة شوية انا جايب لكم تفسير ابن عباس ان هم اصروا الندامة وما تكلمواش بالندم اللي جواهم في اول وهلة ثم بعد ذلك عبروا عن ندمهم وطلبو العودة للدنيا والكلام - 00:28:21

طيب طبعا احنا ناس طيبين وقلينا رقيق او. وكل ما نسمع ان حد اتحطت في اعنقه الاغلال. وانه هيروح النار بيعصب علينا والقرآن كتاب يقرأك قبل ان تقرأه فتجد في نفس الاية او في الاية اللي بعدها رد على افكارك دي بطريقه تهدي مشاعرك شوية وتقول لك ايه ما يصعبش عليك غالى - 00:28:39

كمل بقى الاية ثلاثة وتلاتين وجعلنا الاغلال في اعناق الذين كفروا هل يجزون الا ما كانوا يعملون هو بيعمل فيهم دلوقتي غير اللي هم عملوه في الناس؟ مش هم عزبوا الناس؟ مش هم حطوا الاغلال في اعناق الناس؟ مش هم ظلموا الناس؟ مش هم خالفوا شرع ربنا؟ ما يصعبش - 00:29:05

عليك غالى بقى هو بيعمل فيهم يعني فيهم حد بيعاقب على زنب جاره ما كل واحد بيعاكل على زنبه هو فايه يعني اه القرآن بيعامل مع مشاعرك المضطربة وبيقرأك قبل ما الفكرة تيجي في راسك. لو انت بتقرأ بتدبر تكتشف ان القرآن اللي بيقرأك. مش انت اللي بتقرأه. خلينا نتوقف هنا الليلة - 00:29:25

اللهم انا نسألك حبك وحب من يحبك وحب كل عمل يقربنا الى حبك اللهم ما رزقتنا ما نحب فاجعله قوة لنا فيما تحب وما زويت عنا مما نحب فاجعله فراغا لنا فيما تحب - 00:29:50

اللهم اجعل حبك احب اليها من اهلينا واموالنا. ومن الماء البارد على الظماء اللهم حبنا اليك والى ملائكتك وابيائك ورسلك وعبادك

الصالحين واجعلنا من يحبك ويحب ملائكتك ونبيائك ورسلك وعبادك الصالحين - 00:30:07

اللهم احيي قلوبنا بحبك. واجعلنا لك كما تحب الله اجعلنا نحبك بكل قلوبنا. ونرضيك بكل اجسادنا. اللهم اجعل حبنا كله لك وسعينا كله في مرضاك اللهم اجعل القرآن الكريم ربيع قلوبنا - 00:30:27

ونور صدورنا وجلاء احزاننا وذهاب همومنا وغمومنا ومغفرة ذنبنا اسأل الله العلي العظيم ان يجعل هذا التدبر في ميزان حسناتي وحسناتكم جميعا اللهم بحق كل حرف في كتابك تلوناه او تدبرناه اكفنا واهلينا شر كل من يكيد لنا ولهم - 00:30:47

يحفظنا واياهم من شرورهم و يجعلك اللهم في نحورهم. فانت الوكيل ولا حول ولا قوة الا بك اللهم من قضى منا بالوباء المنتشر فاكتبها له شهادة ومن كان منا او من احبابنا او من اخواننا او من اخواتنا - 00:31:12

مرىضا به او حاملا له فالبسه ثوب الصحة والعافية عاجلا غير اجل من لم يصب به فقه شره وابعده عنه ولا تسلطه الا على اعدائك واعداء دينك واعداء اوليائك اللهم انك تعلم ان هذه القلوب قد اجتمعت على كتابك وعلى محبتك. والتقت يا ربنا على طاعتك - 00:31:33

وتوحدت على دعوتك وتعاهدت على نصرة شريعتك. فوثق اللهم رابطتها وادم ودها واهدها سبلها واملأها بنورك الذي لا يحبه. واشرح صدورها بفيض الايمان بك وجميل التوكل عليك. واحيها يا ربنا بمعرفتك - 00:32:02

وامتها يا مولانا على الشهادة في سبilk انك نعم المولى ونعم النصير. والسلام عليكم ورحمة الله وبركاته. نراكם غدا باذن الله. ان كنا من اهل الدنيا - 00:32:22